

Authors: Nik Hariff Hassan

News: Berita Harian

Date: 07 April 2010

Language: Malay

Subject: Educations

Page: 3

KOTA KINABALU: Penyelidik Universiti Malaysia Sabah (UMS) unggul pada peringkat antarabangsa apabila memenangi 15 pingat pada Pameran Antarabangsa Inovasi, Teknik Baru dan Produk di Geneva, Switzerland dan Pameran Penyelidikan Antarabangsa Seoul, Korea Selatan, tahun lalu.

Naib Canselornya, Prof Datuk Kamaruzaman Ampon, berkata universiti itu memenangi tiga emas, empat perak dan lapan gangsa, sekali gus membuktikan penyelidikan universiti itu bertaraf dunia serta mengatasi hasil kajian beberapa universiti terkenal dunia.

"Kita akan meneruskan tradisi penyelidikan dengan menghasilkan lebih banyak produk penyelidikan dan pembangunan (R&D) bertaraf dunia," katanya berucap pada majlis perasmian Pertandingan Penyelidikan dan Reka Cipta (Pereka) UMS 2010 oleh Menteri Sains, Teknologi dan Inovasi (Mosti), Datuk Seri Dr Maximus Johnity Ongkili di Dewan Canselor UMS di sini, kelmarin.

Pada majlis itu, Ongkili turut menyaksikan majlis memeterai Memorandum Persefahaman (MoU) antara

UMS terima 15 pingat antarabangsa tahun lalu

Sirim Berhad dan Perbadanan Harta Intelek Malaysia (MyIPO).

Hadir sama Ketua Pengarah MyIPO, Kamil Mohamad dan Naib Presiden (Bahagian Penyelidikan dan Teknologi) Sirim Berhad, Dr Zainal Abidin Yusuf.

Pameran dua hari itu disertai 155 penyelidikan dan 89 inovasi meliputi sembilan kategori itu adalah landasan memilih penyertaan UMS ke peringkat kebangsaan dan antarabangsa.

“ Kita akan meneruskan tradisi penyelidikan dengan menghasilkan lebih banyak produk penyelidikan dan pembangunan bertaraf dunia”

Kamaruzaman Ampon
Naib Canselor UMS

Prof Kamaruzaman berkata, sepanjang tahun lalu UMS turut memenangi enam pingat emas, 13 perak dan 23 gangsa di peringkat kebangsaan.

"Sepanjang 2006 hingga tahun lalu, seramai 263 pensyarah UMS terbabit secara aktif sebagai ketua penyelidik merangkumi 379 penyelidikan bernilai RM29 juta.

"Tahun lalu, UMS menerima geran penyelidikan berjumlah RM1.7 juta daripada Mosti bagi penyelidikan sains, RM600,000 daripada Kementerian Pengajian Tinggi melalui Skim Geran Penyelidikan Fundamental (FRGS) dan RM3.2 juta dana dari dalam serta luar negara.

"Sebahagian besar penyelidikan menerusi pertandingan Pereka 2010 adalah hasil dana berkenaan yang membuktikan kami tidak mempersiapkan bantuan diterima.

"Pada masa sama, UMS sentiasa menjalin kerjasama dengan penyelidik dan institusi luar negara sebagai strategi meningkatkan kualiti dan kerelevanan penyelidikan," katanya.



KAMARUZAMAN (kanan) bertukar dokumen dengan Kamil sambil disaksikan Ongkili (tengah) pada majlis memeterai MoU di antara UMS dengan Sirim Berhad dan MyIPO di Dewan Canselori UMS, Kota Kinabalu.